

**Марказий Банк томонидан «Бутунжаҳон жамғариш куни»
доирасида ташкил этилаётган “Молиявий саводхонлик чемпионати”ни
ўтказиш
ҚОИДАЛАРИ**

1. УМУМИЙ ҚОИДАЛАР

1.1. Ушбу Қоидалар «Бутунжаҳон жамғариш куни» доирасида ўтказилаётган “Молиявий саводхонлик чемпионати”ни (бундан буён матнда Танлов деб юритилади) ташкил этиш тартибини белгилайди.

1.2. Танлов ёшлар эътиборини молиявий саводхонликка (тежамкорликка) жалб этиш мақсадида Марказий Банк томонидан интеллектуал мусобақа тарзида ўтказилмоқда.

1.3. Танлов уч босқичда ўтказилади: саралаш босқичи, ярим финал ва финал. Танловнинг саралаш босқичлари жорий йил 24 ва 26 октябрь кунлари ўтказилади. Танлов финал босқичи жорий йил 31 октябрь куни бўлиб ўтади.

1.4. Танлов давомида интеллектуал мусобақалардан максимал балл тўплаган иштирокчилар орасидан ғолиблар аниқланади.

2. ТАНЛОВ МАҚСАДИ

Танлов мақсади талабаларнинг молиявий саводхонлик, молиявий хизматлар истеъмолчиларининг ҳуқуқларини ҳимоя қилиш ва молиявий математика соҳаларидаги билимини ошириб, таълим ва тадқиқот йўналишидаги ишларини рағбатлантиришдан иборат. Бунинг учун қуйидаги масалалар ечилади:

- ўрта-махсус ва олий таълим муассасалари талабаларининг банк-молия соҳасидаги билимларини ошириш ва молиявий саводхонликни тарғиб қилиш;
- молиявий саводхонлик ва молиявий саводхонлик соҳасида талабаларнинг кўникмаларини ҳосил қилиш.

3. ТАНЛОВ ТАШКИЛОТЧИЛАРИ

Танлов ташкилотчилари:

- Ўзбекистон Республикаси Марказий банки – Молиявий саводхонликни ошириш ва банк мутахассисларини қайта тайёрлаш департаменти;
- khiso.uz веб-сайти платформаси орқали Ал-Хоразмий номидаги халқаро онлайн-олимпиада мактаби.

4. ТАНЛОВ ИШТИРОКЧИЛАРИ

Танлов коллеж ва лицей ўқувчилари ҳамда олий таълим ўқув юртлари талабалари ўртасида ўтказилади.

5. ТАНЛОВНИ ЎТКАЗИШ ТАРТИБИ

Иштирокчиларни рўйхатга олиш Ал-Хоразмий номидаги халқаро онлайн-олимпиада мактаби веб-сайтида (www.khiso.uz) **жорий йил 24 октябрь, соат 18:00** га қадар амалга оширилади.

Танлов уч босқичда ўтказилади: саралаш, яримфинал ва финал босқичлари.

5.1 Танлов саралаш босқичи

Танлов саралаш босқичи **жорий йил 24 октябрь куни соат 17:00**да ҳар бир қатнашувчининг индивидуал иштироки билан онлайн шаклда ўтказилади. Танлов саралаш босқичининг саволлари **жорий йил 24 октябрдан** кечиктирилмасдан жойлаштирилади.

Танлов иштирокчиларига қўйиладиган талаблар:

Талаба танловда иштирок этиш учун **жорий йил 24 октябрь куни соат 17:59** дан кечиктирмай танловнинг расмий саҳифасида рўйхатдан ўтиши лозим.

Танлов ташкилий қўмитаси танлов иштирокчиларининг ушбу Қоидаларда белгиланган шартларга мувофиқлигини тасдиқлаш бўйича ҳужжат талаб қилиш ҳуқуқига эга.

Танловнинг саралаш босқичида апелляция аризалари кўриб чиқиш учун қабул қилинмайди.

5.2 Танлов яримфинал босқичи

Танловнинг яримфинал босқичи **жорий йилнинг 26 октябрь куни соат 17:00** да биринчи саралаш босқичидан ўтган қатнашувчиларнинг индивидуал иштироки билан онлайн шаклда бўлиб ўтади. Яримфинал топшириқларини бажариш учун рўйхатдан ўтиш вақтида кўрсатилган алоқа рақамига СМС-хабар орқали танлов расмий веб-сайтига танлов яримфинали ҳаволаси юборилади.

Танлов яримфинал босқичининг саволлари **жорий йил 26 октябрдан** кечиктирилмасдан жойлаштирилади.

Танловнинг яримфинал босқичида апелляция аризалари кўриб чиқиш учун қабул қилинмайди.

5.3 Танлов финал босқичи

Танлов финал босқичи **жорий йил 31 октябрь куни** яримфинал босқичидан ўтган қатнашувчиларнинг индивидуал иштироки билан онлайн шаклда бўлиб ўтади. Финал босқичига ўтган иштирокчиларга финал босқичига иштирок этиш учун онлайн-платформа ҳаволаси рўйхатга олиш пайтида кўрсатилган алоқа рақамига СМС-хабар орқали юборилади.

Танловнинг яримфинал босқичида апелляция аризалари кўриб чиқиш учун қабул қилинмайди.

6. ҒОЛИБЛАРНИ ТАНЛАШ ТАРТИБИ

6.1. Танлов саралаш босқичи

Танлов саралаш босқичи электрон тест шаклида ўтказилади. Иштирокчилар Танлов дастурига тегишли бўлган **10 та тест саволларига** бир соат мобайнида Танлов расмий веб-сайтида жавоб беришлари керак.

Электрон тест бўйича энг юқори (максимал) баҳо - **20 балл** этиб белгиланган.

Танлов саралаш босқичи натижалари бўйича якуний жадвал тузилиб, иштирокчиларнинг ундаги ўрни тўпланган баллар юқоридан пастга қараб камайиб бориш асосида белгиланади. Максимал балл тўплаб, ярим финалга чиққан Танлов иштирокчилари сони **20 тадан** ошмаслиги керак.

6.2 Танлов яримфинали

Яримфинал электрон форматдаги савол ва масасалардан ташкил топади. Бир соат мобайнида иштирокчилар Танлов дастурига тегишли **10 тадан иборат бўлган тест саволларига ва 4 та молиявий саводхонлик ва молиявий математикага оид масалаларга** жавоб беришлари керак бўлади.

Электрон тест бўйича энг юқори (максимал) баҳо – **20 балл** этиб белгиланган.

Молиявий саводхонлик ва молиявий математикага оид 4 та масалалар учун энг юқори (максимал) баҳо – **20 балл** этиб белгиланган.

Танлов яримфинал босқичи натижалари бўйича якуний жадвал тузилиб, иштирокчиларнинг ундаги ўрни саралаш ва яримфиналда тўпланган баллар юқоридан пастга қараб камайиб бориш асосида белгиланади. Максимал балл тўплаб, финалга чиққан Танлов иштирокчилар сони **5 тадан** ошмаслиги керак.

6.3. Танлов финал босқичи

Танлов финал босқичи онлайн-платформаси онлайн мусобақа шаклида ўтказилади. Бир соат мобайнида қатнашчилар **иккита тур ва уйга вазифа мавзусининг тақдимотини** ўтказишлари керак бўлади.

Танлов финал босқичи бўйича энг юқори (максимал) баҳо – **40 балл** этиб белгиланган.

Уй вазифаси: Жорий йил 26-27 октябрда финал босқичига ўтган иштирокчиларга Танлов ташкилотчилари томонидан иштирокчиларнинг рўйхатдан ўтган телефон рақамига СМС-хабар орқали олдиндан белгиланган уйга вазифа юборилади.

Жорий йил 31 октябрда иштирокчилар томонидан бажарилган уйга вазифаси финал босқичида тақдимот этилади.

Танлов ҳакамлари ҳайъат аъзолари иштирокчиларнинг тайёрлаган уй вазифаларини текширилиб, Танлов финал босқичининг учта тур натижаларига кўра якуний жадвал тузилиб, ундаги ўрни саралаш, яримфинал ва финалда тўпланган баллар юқоридан пастга қараб камайиб бориш асосида белгиланади. Танлов финалида битта ғолиб танланиб, барча иштирокчилар муносиб тақдирланади.

7. ТАНЛОВ ТАШКИЛИЙ ҚЎМИТАСИ ВА ТАНЛОВ ҲАКАМЛАР ҲАЙЪАТИ

Танлов ташкилий қўмитаси таркиби Марказий банк ходимлари ва Ал Хоразмий номидаги халқаро онлайн-олимпиада мактаби ходимларидан ташкил этилган. Улар қуйидагиларни амалга оширади:

- иштирокчиларни рўйхатдан ўтказиш учун ҳавола эълони;
- баҳолаш мезонларини ишлаб чиқиш;
- онлайн тест учун саволлар ишлаб чиқиш;
- онлайн тест саволларини khiso.uz электрон платформасида жойлаштириш;
- онлайн тест ўтказиш тартиби ва шартларига риоя этилиши устидан назоратни таъминлаш;
- Танлов ғолибларини тақдирлаш бўйича дастурни ишлаб чиқиш ва амалга ошириш;
- Марказий Банк ижтимоий каналларида онлайн тест натижалари бўйича ахборот бериб бориш.

Танлов иштирокчилари ишларни баҳолаш учун Марказий банк ходимлари вакилларидан ташкил топган Танлов ҳакамлар ҳайъати аъзолари таркибини тузиш.

Танлов ташкилий қўмитаси 4-бандда кўрсатилган онлайн тест шартларига жавоб бермайдиган иштирокчиларни огоҳлантиришсиз мусобақадан четлатиш ҳуқуқига эга.

8. ТАНЛОВДА ИШТИРОК ЭТИШГА РОЗИЛИК ВА ИШТИРОКЧИЛАРДАН КЕРАКЛИ ТАСДИҚЛАР

Танлов жараёнида иштирокчилар ҳақида олинган маълумот ва улар топширган ишлар ташкилотчи ва учинчи шахслар томонидан ахборот ва ҳисобот бериш мақсадида, шунингдек Танлов бош мақсадини амалга оширишда (танлов ўтиши жараёнларини эълон қилиб бориш мақсадида танлов расмий веб-сайтида, Марказий банк ижтимоий тармоқлари, молиявий саводхонлик веб-сайтидаги матбуот релизлари) молиявий саводхонлик ва молиявий хизматлар истеъмолчилар ҳуқуқларини ҳимоя қилиш масалаларига омма эътиборини жалб қилиш учун исталган шаклда фойдаланиш мумкин. Бунинг учун иштирокчига қўшимча ҳақ тўланмайди ва ундан рухсат олинмайди. Танлов иштирок этиш иштирокчининг онлайн тест Қоидаларида белгиланган шартларни ўқиб чикқанлигини ва уларга розилигини англатади.

Танлов ташкилий қўмитаси танлов иштирокчилари ҳақидаги қисман ёки тўлиқ маълумотларни нашр қилишга ва иштирокчилар томонидан бажарилган ишларни тадқиқотлар олиб бориш мақсадида фойдаланиш ҳуқуқига эгаликларини маълум қилади.

Танлов ғолиблари Марказий банкнинг эсдалик совғалари билан тақдирланадилар.

Танлов ғолибларини тақдирлаш ва совғаларни тақдим этиш Марказий банкда ўтказилади.

9. АРИЗАЛАРНИ ТАҚДИМ ЭТИШ

Танлов иштирок этмоқчи бўлганлар khiso.uz электрон платформасида рўйхатдан ўтишлари керак.

Қўшимча саволлар учун куйидаги телефон рақамларига мурожаат қилинг: +99871 212-73-56; +99897 455-96-76

Рўйхатдан ўтиш учун зарур маълумотлар

Ф.И.Ш.	
Ҳудуд, яшаш манзили	
Телефон рақами	
Ўқиш жойи (ОТМ номи)	